



**Clypevs Theologiæ Thomisticæ**

Continens Tractatus de Beatitudine, de Actibus humanis, eorumque  
Moralitate; de Virtutibus ac Donis, de Vitiis ac Peccatis, & de Legibus,  
nec-non Dissertationem Theologicam de Probabilitate

**Gonet, Jean-Baptiste**

**Parisiis, 1669**

§. I. Statuitur prima conclusio

---

[urn:nbn:de:hbz:466:1-77355](#)

## DISPUTATIO TERTIA

*peccatum est illi:* Sed talis homo posset actum amoris elicere, quia, ut supponimus, esset instruens auxilio sufficienti; & ad id se teneri cognosceret, cum etiam supponamus illum ad hujus præcepti obligationem advertere: Ergo non excusaretur à culpa, sed omissione hujus præcepti esset tunc peccaminosa & culpabilis.

Respondeo distinguendo Majorem: Qui potest & non facit negatione libera & voluntaria in actu secundo, concedo: negatione non libera & non voluntaria in actu secundo, nego: in easu autem postio negatio illa dilectionis Dei non esset libera, nec voluntaria in actu secundo, sed tantum in actu primo, defectu actu positivi, à quo exercitium libertatis inciperet; potestas enim ad impedientiam omissionem, tantum illam constituit liberam in potentia & actu primo, non autem in exercitio & in actu secundo.

**III.** Objicies ultimò: Homo potest peccare peccato omissionis, exercendo actum, qui nec sit causa, nec occasio illius: Ergo & nullum omnino actum eliciendo. Consequentia videtur legitima: cum actus, qui nec est causa, nec occasio omissionis, non magis in eam influat, quam si nullus omnino daretur. Antecedens verò hoc exemplo suadetur: Potest alius sacerdos velle aperire breviarium, suspendendo tamen voluntatem recitandi, vel omittendi officium: si igitur ille perseveret in tali suspensione usque ad medium noctem, & non reciter officium, peccat peccato omissionis, & tamen non elicit actu qui sit causa vel occasio illius; apertio enim breviarij non potest dici causa vel occasio omissionis officij, cum potius sit dispositio & preparatio ad ejus recitationem.

**III.** Respondeo primò impossibile esse, quod sacerdos aperiendo breviarium possit suspendere voluntatem omittendi, vel recitandi officium, sine aliquo actu voluntatis, quo formaliter aut virtualiter talem suspensionem velit: nam ut supra ex Caietano dicebamus, voluntas neque seipsum, neque alias potentias potest suspendere, nisi mediante actu quo directè vel indirectè talem suspensionem velit.

**III.** Respondeo secundò, quod licet apertio illa breviarij non sit per se & ex natura sua, causa, vel occasio omissionis officij, per accidens tamen, & ratione circumstantiarum, potest esse causa illius, ex suppositione scilicet quod persevereret usque ad tempus, in quo urget præceptum recitationis officij, vel in quo amplius tale præceptum adimpleri nequeat, ut in casu proposito contingit.

## ARTICVLVS III.

*An omnis actus conjunctus cum omissione, & cum obseruantia præcepti affirmativi incompossibilis, sit in se malus, & habeat aliam malitiam à malitia omissionis?*

**P**ro resolutione hujus difficultatis notandum est, actus incompossibilis cum adimplitione præcepti, posse dupliciter conjungi cum omissione, scilicet ut causas, vel occasiones ipsius, sicut contingit cum quis propter ludum aut studium non audit sacram; & concomitantem tantum, ut si quis statuat non audire sacram,

A vel propter pluviam, vel propter laborem itineris, & deinde ne maneat otiosus, dum tempus adimplendi præceptum instat, det operam ludo vel studio. Hoc præmisso, sit

## S. I.

*Statuitur prima conclusio.*

**D**ico primò, actum qui est causa vel occasio omittendi, esti ex sua specie & objecto sit bonus, vitiarius ex omissione, & esse peccatum: actum verò qui nullatenus in omissionem influit, sed ad illam merè per accidens & concomitantem se habet, nisi aliás malus sit, peccatum non esse, nec ex omissione, cui per accidentem conjugitur, vitiarius.

Hac conclusio communis est apud Theologos, & adeò certa, ut solā explicatione indigat. Sit ergo casus, quod aliquis propter desiderium & aviditatem studiū omittat missam, dicimus quod studium illud est malum; quia quamvis de se bonum, vitiatur dum est ratio volendi aliquid malum, nimis missae omissionem: sicut eleemosyna, quamvis de se bona & honesta, vitiatur dum movet hominem ad furtum; & universaliter bona intentio ex prava electione vitiatur, ut in tractatu de moralitate actuum humanorum ostendimus. Si verò postquam homo ob pugniam, vel laborem itineris, aut cōsimilem causam, decretiv non interesse sacerdoti, tunc tempore quo urget præceptum audiendi missam, studeat, vel in aliquo honesto opere se exerceat, dicimus quod opus illud non vitiatur: quia suppositū alia voluntate omittendi missam, materialiter & per accidens se habet ad ejus omissionem, & nullo modo in eam influit; alias si omnis actus concomitanis omissionem, ex illa vitiaretur, sequeretur illum, qui statuit non audire sacram, debere tunc omnem alium actuū quantumvis ex se honestum suspendere, & manere otiosum; quandoquidem si aliquem exerceret, in ipso peccaret.

**D**ices: D. Thomas qu. 2. de malo art. 1. ad 7. n<sup>o</sup> 4 ait: *Hoc ipsum quod est laudare Deum ore, potest male fieri, si hoc fiat quando non debet, quando scilicet homo alia facere tenetur.* Ergo ex D. Thoma omne opus de se cum adimplitione præcepti incompossibile, exercitum tempore quo debet præceptum adimpleri, ex malitia omissionis vitiatur.

Confirmatur ratione D. Thomæ: Omne tale opus fit tempore indebito: Ergo vitiatur ex circumstantia temporis. Consequentia patet, Antecedens probatur. Tale opus fit tempore quo homo tenebatur facere aliud: Ergo fit tempore indebito.

E Respondeo D. Thomam intelligendum esse de opere laudandi Deum de facto impidente observantiam præcepti affirmativi, & in omissionem influente; non verò de opere quod licet ex se sit incompossibile cum observantia præcepti, de facto tamen eam non impedit, nec ullo modo in ejus omissionem influit.

Ad confirmationem distinguo Antecedens: fit tempore indebito, negative & materialiter, concedo Antecedens: contrariè aut privativè & formaliter, nego Antecedens, & Consequentiā. Nam licet studium v. g. tunc non debatur, in quo consistit esse negativè indebitum, & exerceatur tempore quo instat præceptum audiendi missam, ac proinde tempore indebito

## DE PECCATO COMMISSIONIS ET OMISSIONIS. 389

- materialiter, non tamen sit tempore indebito A formaliter & privativè; quia studium illo tempore non prohibetur ratione sui, sed ratione omissionis, & quatenus causa est omittendi; cumque in casu positivo in omissionem non influat, consequens sit quod non prohibeatur, subindeque quod non sit tempore indebito privativè & formaliter.
- <sup>116.</sup> Instabis: Præcipiens auditionem sacri, prohibet omne cum illi incompossibile: At studium factum tempore quo virget præceptum audiendi missam, cum auditione sacri incompossibile est: Ergo tunc prohibitum est.
- Respondeo distingendo Majorem: Omne incompossibile, de facto impediens, & de facto in omissionem influens, concedo Majorem: non impediens, nec influens de facto in omissionem, nego Majorem: & sub eadem distinctione Minoris, nego Consequentiam.
- <sup>117.</sup> Queris, an possit assignari certa regula ad dignoscendum quandonam actus, qui conjunctus est cum omissione, sit causa vel occasio illius, & quando ad illam merè per accidens & concomitantē se habeat?
- Respondeo, quod si opera cum observantia præcepti incompossibilia supponant in voluntate firmum & efficax decretum seu propositum non observandi præceptum, tunc merè per accidens & concomitantē ad ejus omissionem se habent; quia cū supponant causam sufficiētē omissionis, prædictum scilicet voluntatis propositum, in eam de facto non influunt: dummodo tamen determinatio illa voluntatis ita parū distet ab executione, ut non sit verisimile quod mutabitur; si enim tam longè ab executione distet, ut sit spes aliqua probabilis quod voluntas eam revocabit, tunc opus cum observantia præcepti incompossibile, potest in ejus omissionem influeri, & ab ea vitari. Ex quo
- <sup>118.</sup> Inferes primo, cum qui prope horam duodecimam, in qua instabat præceptum audiendi sacram, se somno dedit, post firmum omittendi propositum, non peccare se somno tradendo: quia in tam brevi tempore nulla est spes mutandi propositum, sed est certè perseveraturum moraliter, ac proinde somnus non censetur tollere potentiam moralē adimplendi præceptum, sed ablatam supponere.
- <sup>119.</sup> Inferes secundò, Clericum navigantem, post decretum efficax nunquam recitandi horas canonicas in tota navigatione, peccare mortaliter projiciendo breviarium in mare: quia in tam longa temporis mora, quā navigatio mensuratur, posset retractare propositum, & est verisimile quod illud mutaret; per projectionem vero breviarij necessitatibus ad omissionem præcepti, quamvis mutet propositum, & per consequens hujusmodi projectio est causa omissionis. Idem dicendum est de eo qui ducit uxorem post votum castitatis, etiam antea statuisse non servare votum: quia similiter iste mutare potuisse propositum, & per matrimonium quodammodo necessitatibus ad plures actus oppositos voto.
- <sup>120.</sup> Inferes tertio, cum qui post propositum non restituendi, distrahit bona qua restituenda erant, peccare ea distrahendo: tum quia utitur alienis bonis, domino invito, quod est intrinsecè malum: tum etiam quia potuisse retractare propositum non restituendi, & est verisimile quod mutasset: per distractionem vero bonorum, impossibile reddidit eorum restitutionem
- Inferes quartò, cum qui vovit studere tempore quo domi occupatus non est, teneri ex voto ad studendum, durante firme proposito omittendi sacri auditionem: quia studium cū peccatum non sit, sed opus honestum, est materia congrua voti.
- Inferes quintò, non peccare ludentes cum eo qui post firmum decretum non audiendi sacram se ludo dedit: nam, ut pater ex dictis, talis homo, ludendo non peccat, eò quād ludus in tali casu in omissionem missæ non influat, sed ad eam merè per accidens & concomitantē se habeat: Ergo nec alij cum eo ludentes, & in ludo cum eo participantes; catenus enim isti peccarent, quatenus ad illius peccatum concurrerent, quod in tali casu non accidit.

### S. II.

#### Secunda conclusio stabilitur.

**D**ico secundò, actum ex se bonum, aut indifferentem, ex quo causatur omissione, unam tantum specie malitiā moralē habere, sumptam ex omissione quam cauſat, & ex contrarieitate ad virtutem quā prohibetur omissione. Est contra Henricum, & Gabrielem, quibus ex Recentioribus subscribunt Suarez hic dis<sup>p</sup>. 3, sect. 3, num. 4, & Granado dis<sup>p</sup>. 3, sect. 3, num. 12: afferentes actum qui est causa omissionis, duplīcēm habere malitiā specie diversam; unam ex omissione quam causat, & alteram oppositam illi virtuti à qua procederet actus, si malam omissionem non cauſaret: v. g. studium cauſans omissionem sacri, non solum esse contra religionem, quā præcipit audito missæ, sed etiam contra studioſitatem, qua inordinatum studēt amorem regulare & moderari debet.

Nostra tamen conclusio communis est apud Doctores, & facile potest suaderi. Qui omittit sacram propter studium, non magis peccat, quam peccaret, si manendo otiosus absque tali actu ipsum omitteret; ut videtur per se notum: Sed si omitteret sacram absque tali actu per solam otiositatem, committeret unicūm peccatum, scilicet contra virtutem religionis: Ergo & qui omittit sacram propter studium, solum contra virtutem religionis peccat, non vero contra virtutem studioſitatis.

Confirmatur: Ex contraria sententia sequitur illum qui omittit sacram, teneri in confessione explicare motivum quod habuit omittendi, an scilicet omiserit illud ad studendum, ludendum, vel ad somno & otio indulgendum: Sed hoc est contra communē Theologorum sententiam, & fidelium praxim, qui nunquam hāc motiva explicit in particulari, sed solum omissionem præcepti: Ergo &c. Sequela patet: nam juxta Tridentinum tenetur homo in confessione aperire numerum peccatorum, & omnes circumstantias speciem mutantes: Sed diversa illa motiva, ex quibus omissione sacri procederet, escent diverse circumstantia finis speciem mutantes: Ergo tenetur homo illa in particulari in confessione explicare.

Probatur secundò conclusio: Si ob aliquam rationem studium esset in eo casu contra studioſitatem, maximē quia reſtitutio hujus virtutis careret; nam cū bonitas & malitia non possint in eodem actu componi (ut in tract. de moralitate actuum humanorum contra Cajetanum Dis<sup>p</sup>. 4, art. 14)

Ccc iii